

فلیپون ری نون خط

تعارف

آی خط سنت پولوس فلیپ شهر ری وشواسی مندلی نی اندازن سن 60 شون 62 عیسوی ری بیچ ۾ لکیو هتو. سنت پولوس پرچار ری بیجی سفر

۾ مکدونیا صوبی ری فلیپ شهر ۾ آی پیلکی وشواسی مندلی نائی هتی. سنت پولوس آی خط اونی تیم لکیو جڈی او قید ۾ هتو. آی اهتو تیم

هتو جڈی بیجا پرچار کرڻ آلا سنت پولوس ری خلاف هتا. او ایی بات ۾ پریشون هتو، کیونکه وشواسی مندلی ۾ کڙا پرچار کرڻ آلا پی

پرچار رو کوم کرتا پڙیا.

سنت پولوس ایی خط ۾ فلیپ شهر ری وشواسی مندلی رو شکرید ادا کری هی که اونون ضرورت ری تیم اونی ری مدد کی. او اونون نی

مشورو ڈی هی که ڈکون هان تکلیفون ۾ همت راکي هان آی پی منت کری هی که مسیح جهڙو نمونو راکو، مطلبی نی هونو هان بدائو نی

کرو. سنت پولوس اونون نی خوشی هان تسلی ری باری ۾ پی لکی هی جکو ایشور ری طرفون ملی هی.

ایی خط ری خاص باتون آی هی یعنی خوشی، یروسوم، بدی، وشواس هان نیکی شون بیوڻ. ایی شون فلیپ شهر ری وشواسی مندلی ری شارو

سنت پولوس ری شاجی هان موئی پریم ری خبر پڙی هی.

خاص مضمون

جئی پریو ری هان پرائنا 11-1:1

پولوس رو آری باری ۾ شتاوڻ 26-12:1

پریو یسوع لاری بیوڻ 18:2-27:1

تیمتیس هان ایفرو دیتس 30-19:2

دشمنون هان خطرون ری باری ۾ شتاوڻ 9:4-1:3

پولوس هان اونی را دوست 20-10:4

آخری باتون 23-21:4

جَنِي پَرِيُو رِي

1 ¹ آي خط پولوس هان تيمتيس ري طرفون هي جكو مسيح يسوع را بونها هون. آي خط فليبي شهر ري مسيح يسوع پر شجِي نيك منكون، وشواسي مندلي ري شنيال كرڻ آئون هان شيوادارون ري نون هي.

² آي ايشور پتا هان پريو يسوع ري طرفون تون تي ڪريا هان شڪ هوتو ري.

سنت پولوس ري پرائنا

³ هون جڏي پي توني ياد ڪرون هون، تو آري ايشور رو شڪر ڪرون هون ⁴ هان هر هيڪ پرائنا جكو تونري شارو ڪرون هون، تو هميشا خوشي

شون تون شجون ري شارو منٽ ڪرون هون. ⁵ ايئي ري ڪري ڪه ٿي شروع شون لي آج توي خوشي ري خبر رو پرچار ڪرڻ پر مهون پيڙا هئا.

⁶ مهني ايئي بات رو پروسو هي ڪه ايشور جڪي تون پر آي نيك ڪوم شروع ڪيو هي اوئي ني او يسوع مسيح ري پڙي اون توي پورو ڪرشي.

⁷ آي سئو هي ڪه هون تون شجون ري باري پر ايئون شوچون هون ڪيونڪه ٿي مهاري من پر رو هو. جڏي هون قيد هتو، جون هون ايشور ري

خوشي ري خبر ني شاجي ثابت ڪرتو پڙيو هان مخالفون ني مونھ ڏيتو پڙيو، تو ٿي پي ايشور ري ڪريا پر مهني پيڙا شامل هئا. ⁸ ايشور مهارو گواه

هي ڪه هون مسيح يسوع جهڙو پريم راڪي تون شون ملڻ ري تموم گهڻي شڪ پر هون.

⁹ مهاري پرائنا هي ڪه ٿي جاڻ هان هر نموني ري سمجه شون پريم پر آيون پي وڌيڪ بدتا جائو ¹⁰ جڪي شون ٿي سني باتون پرڪي شگهو هان

مسيح ري پڙي اون آئي ڏن توي صاف من رو هان تون تي ڪو پي الزوم ني هووي. ¹¹ ايئي نموني ٿي نيڪي ري قلون شون پريجوڙا رو جڪو مسيح

يسوع ري ڪري هي ڪه ايشور ري مهما ظاهر هووي هان اوئي ري بکوڻ هووي.

مسيح پر زندگي گذارڻ

¹² اي وشواسيون، مهاري مرضي هي ڪه توني خبر پڙي ڪه جڪو ڏڪ مهني تي آيا اونون ري ڪري خوشي ري خبر آيون پي وڌيڪ هوئي هي.

¹³ اترې توي ڪه بادشاه ري تولي ري شجِي فوجيون هان باقي شجِي منكون پر آي مشهور هويو ڪه هون مسيح ري پرچار ري ڪري قيد پر هون.

¹⁴ مهاري قيد پر هوڻ ري ڪري تموم گهڻي وشواسيون رو پريو تي وشواس پڪو هويو هان اونون پر آيون پي وڌيڪ همت آئي ايئي ري ڪري او

دليري شون ايشور رو پرچار ڪري هي.

¹⁵ بيشڪ اونون پر ڪئين شال هان مخالفت ري ڪري مسيح رو پرچار ڪري هي، پڻ بيجا نيك نيت شون پرچار ڪري هي. ¹⁶ نيك نيت شون

پرچار ڪرڻ آلا مهني شون پريم ڪري هي. او جوڻي هي ڪه هون ايشور ري خوشي ري خبر ني ثابت ڪرڻ ري شارو راکيوڙو هون. ¹⁷ پڻ بيجا

منڪ نيك نيت شون نام پڻ آبرو مطلب راڪي آي سمجهي مسيح رو پرچار ڪري هي ڪه مهني تي قيد پر وڌيڪ ڏڪ آوي.

18 مهاري شارو آي ڪو موتي بات ڪونهي پڻ موتي بات آي هي ڪه مسيح ري خوشي ري خبر رو پرچار هر نموني هووي پڙيوم، بيشڪ او خراب نيت شون جون شاجي نيت شون. ايتي ري ڪري هون تموم گهڻو خوش هون هان خوش رئين 19 ڪيونڪه مهني خبر هي ڪه تونري پرائتائون هان يسوع مسيح ري طرفون ڏينوڙي پويتر آتما ري مدد شون آزاد هوئي جائين. 20 مهني پوري دل شون پڪي اُميد هي ڪه هون ڪي پي بات ۾ شرميدو ڪونهي هوئون پڻ موتي دليري شون هميشا آلي ڪار هتون پي هون آپري شري ري وسيلي مسيح ري مهما ظاهر ڪرتو رئين، بيشڪ هون مرون جون جيئون. 21 ڪيونڪه مهاري جيتي ريوڻ رو مقصد مسيح رو پرچار ڪرڻ هي پڻ جي هون مري پي جائون، تو ايتي ۾ فائدو هي. 22 جي هون جيتو رهيو، تو شيوا ري ڪوم ري شارو فائدو هي. ايتي ري ڪري مهني خبر ڪونهي ڪه ڪي صحيح هي. 23 هون بيبي باتون ۾ ڦاٽوڙو هون. مهاري خواهش تو آي هي ڪه آي دنيا چوڙي مسيح ڪيڏي جائي رون ڪيونڪه آي شجون شون وڌيڪ پلو هي. 24 پڻ تونري شارو مهارو جيئن وڌيڪ ضروري هي. 25 مهني ايتي بات رو پروسو هي هان مهني خبر هي ڪه هون جيتو رئين پڻ تون شجون پيڙو رئين ڪه تي وشواس ۾ بدتا جائو هان اوتي ۾ خوش رو. 26 توني جڪو بدائو مسيح يسوع ۾ مهني تي هي، جڏي هون پڙي تون ڪيڏي آئين، تو او بدائو آيون پي وڌيڪ هوئي جاشي. 27 ايتي بات رو خيال راکو ڪه تونرو اٺن بيشن مسيح ري خوشي ري خبر سٽاوڻ ري لائق هووي ڪه پلي هون توني آئي جوئون جون ني جوئون، تو پي تونري باري ۾ آي سٽون ڪه تي هيڪي آتما ۾ مضبوط هان پڪا هو هان تي هيڪ من هوئي سخت محنت ڪرو پڙيا ڪه منڪون ۾ خوشي ري خبر رو وشواس بدتو جاوي. 28 هون آي پي سٽون ڪه تي آپري دشمنون شون ڪي پي بات ۾ ڪونهي پيئاجتا. اوتون ري شارو آي بربادي رو صاف نشون هي پڻ تونري شارو مگتي رو، آي شجو ڪئين ايشور ري طرفون هي. 29 ڪيونڪه مسيح ري ڪري تون تي آي ڪريا هوئي هي ڪه تي ني رگو اوتني تي وشواس راکو پڻ اوتني ري ڪري ڏک پي برداش ڪرو. 30 تي پي خوشي ري خبر ري ڪري اوج سخت ڪوشش ڪرڻ ۾ شامل هو جهڙي نموني مهني ڪرتي ڏينو هتو هان هتون پي سٽو هو ڪه هون ايشور ڪرون هون.

پريو يسوع جهڙي زندگي

1 جي مسيح ۾ توني ڪئين حوصلو، پريم شون تسلي، پويتر آتما ري ست سنگ، مهربوني جون دايا هي، 2 تو مهاري آي خوشي پوري ڪرو ڪه هيڪ من رو، هيڪ جهڙو پريم راکو، هيڪ هوئي رو هان هيڪج شوچ راکو. 3 تي آپري عزت بدائوڻ ري شارو هان هرو پري ري بدائوي ۾ ڪئين ني ڪرو پڻ نوڙت شون هيڪي پيڄي ني آپ شون وڌيڪ سمجهو. 4 تون ۾ هر هيڪ ني رگو آپري باري ۾ پڻ بيجون ري باري ۾ پي شوچي.

5 اهڙي شوچ راکو جهڙي مسيح يسوع ري هتي.

6 او آپ ايشور رو رُوپ هتو.

تو پي اوتني ايشور ري برابر هوڻ ري ڪوشش ڪونهي ڪي.

7 پڻ اِئي شون تال اُوئي آڀرو آڀني کالي ڪري چوڙيو

هانَ شيواداري هوئي، انسُون جهڙو هوڀو.

8 انسُون هوئي، اُوئي آڀرو آڀني نموڻو ڪيو

هانَ اِترو تو وفادار رهيو ڪه موت، پڻ سُولي ري موت پي قبول ڪي.

9 اِئي ري ڪري ايشور اُوئي ني شجون شون مون آئي جگها تي بيشاڙيو

هانَ او نون ڏينو جڪو شجي نئون شون مهانَ هي.

10 ايئون اِئي ري ڪري هوڀو ڪه

پريو يسوع ري نون تي هر هڪ گوڏو جهڪي،

بيشڪ او آڪاش تي هووي جون ڌرتي تي جون ڌرتي هينا

11 هانَ هر هڪ زبون اقرار ڪري،

ڪه يسوع مسيح، پريو هي،

ڪه ايشور پتا ري مهما ري بڪوڻ هووي.

ڏيئي رو مثال

12 اي پيارون، جڏي مهني تون ڪڍي رئي توني شيڪايم، تو تي ايشور را وفادار رهيا هانَ همي آجون پي هو، جڏي هون تون ڪڍي ڪونهي هون.

اِئي ري ڪري تي ڏڪتا هانَ بيشاڙتا وفاداري شون بو ڪه توني پوري نموني مگني ملي. 13 ڪيونڪه او ايشور هي جڪو تون ۾ نيت هانَ عمل

پيئون ني آڀرو نڪ مقصد پورو ڪرڻ ري شارو همت ڏي هي.

14 شجائي ڪوم بنا ڪرڪڻ هانَ بنا بحث ڪرڻ ڪرو 15 ڪه تي بي عيب هانَ پولا هوئي بچڙي هانَ خراب منڪون ۾ ايشور را بي عيب ٻال هوئي

رو. اوئون ري بچ ۾ ٿي دنيا ۾ ڏيئي آئي ڪار ڏيڪيجو هو 16 هانَ زندگي ڏيوڻ آڻو شُٺائو هو ڪه مسيح ري پڙي اوڻ آئي ڏن هون ٻڌائو ڪري

شگهون ڪه نڪو مهاري ناشا دوڙ بنا فائدي آئي هتي هانَ نڪو مهاري محنت اجائي گئي.

17 شيوا رو ڪوم جڪو تي وشواس شون ڪرو هو، او هڪ اهڙو ٻليدون هي جڪو ايشور ني پسند هي. اِئي ري ڪري جي مهني آڀرو لويي بهائو

پڙي، تو پي هون خوش هون هانَ تون پيڙو خوشي ملهائون هون. 18 تي پي ايج نموني خوش رو هانَ مهني پيڙا خوشي ملهائو.

تیمتیس هان ایفروڈیٹس

19 مهنی بریو یسوع ۾ امید هي که هون تیمتیس ني تون کيدي چیکو میلین که او تونرو حال پوجي که مهنی تسلي ملي. 20 کیونکه مهنی کيدي ايئي جهڙو بيجو کو پي کونهي جکو شاجي من شون تونرو فکر کري. 21 شجائي آيري آيري فکر ۾ هي، ني که يسوع مسيح ري. 22 پڻ توني خبر هي که تیمتیس پروسې ري لائق هي کیونکه اوني مهارو ذیکرو هوني مهنی پيڙو ايشور ري خوشي ري خبر رو پرچار کيو هي. 23 همي هون امید کرون هون که جدي مهنی خبر پڙشي که مهارو کي هوشي، تو هون اوني ني چیکو تون کيدي میلین. 24 مهنی بریو ۾ پروسو هي که هون پي چیکو تون کيدي آين.

25 هتون هون اي ضروري شمعجون هون که ایفروڈیٹس ني پاچو تون کيدي میلون جکو مسيح ۾ مهارو پائي هي هان مهنی پيڙو شيوادي هان سپاهي هي. اي تونرو نياپو پگاڙو آو پي هي جکي ني تون مهاري ضرورتون پوري کرڻ ري شارو شيوادي نائي مهنی کيدي ميليو هتو. 26 هون اوني ني تون کيدي ايئي ري کري میلون پيڙو کیونکه اوني ني تونري گهڙي ياد آوي هي هان اوني ني تون شون ملڻ ري تموم گهڙي شک هي کیونکه تون شنيو هتو که او بیمار هتو. 27 او اترو تو بیمار هتو که مرڻ آو هتو پڻ ايشور اوني تي دايا کي، ني رگو اوني تي پڻ مهنی تي پي که مهنی تي وديک ڏک ني آوي. 28 ايئي ري کري جترو پي چیکو هويو هون اوني ني تون کيدي میلین که تي اوني ني جوئي خوش هوني جائو هان مهاري پريشوني پي ختم هوني جاوي. 29 جدي او تون کيدي پڙي، تو تي اوني ني بریو ۾ تموم گهڙي خوشي شون استقبال کريا هان اهڙي منکون ني عزت ڏيتا رهيا. 30 ايئي ري کري که او مسيح ري خوشي ري خبر ري کري مرڻ آو هتو هان اوني آيري جان خطري ۾ گهاتي که جکو گهتائي تون شون رني هتي اوني ني پورو کري.

شاجي خوشي

1 اي بياري وشواسيون، بریو ۾ هميشا خوش رو. هون توني هيڪج بات گهڙي گهڙي لڪڻ شون ٽڪنو کونهي کیونکه اي باتون توني 3 غلط تعليم ڏيوڻ آتون شون بجاشي.

2 ڪتون شون هوشيار رو يعني اوتون شون جکو پوندا کوم کري هي هان ڪتنو ڪراوڻ رو کي هي. 3 ياد راکو، حقيقت ۾ ڪتنو ڪينوڙا آبي هون جکو ايشور ري پوٽر آتما ري مرضي تي پگتي ڪرون هون هان مسيح يسوع تي ٻڌائو ڪرون هون هان جسموني باتون تي پروسو کونهي ڪرتا. 4 جوڻو، هون پي آيري جسموني باتون تي پروسو راکي شگهون هون. هاوي، جي ڪڻ بيجو منک شمعجهي هي که او پي جسموني باتون تي پروسو راکي شگهي هي، تو هون اوني شون پي وديک پروسو راکي شگهون هون. 5 کیونکه هون جنم شون اسرائيلي هان بنيامين ري قبيلي رو هون هان آتون ڏن مهارو ڪتنو پي هويو. هون پکو عبراني هان شريعت تي فريسي پنت رو هتو. 6 هون درمي جوش ري حساب شون وشواسي منڊلي ني تنگ ڪرتو هان شريعت تي بيوڻ ۾ نيڪ هان بي عيب هتو. 7 اوني تيم جکو پي باتون مهاري فائدي آي هتي همي هون او باتون مسيح ري کري

نقصون آلي شمعجون هون. ⁸ هون آپري پريو مسيح يسوع ني اولڪن آلي مهان خوبي شون نال هر هيڪ شئي نقصون آلي شمعجون هون. جڪي ري ڪري مهني شجي شيون رو نقصون هويو، هون او شجي شيون ڪن شمعجون هون ڪه هون مسيح ني حاصل ڪرون ⁹ هان مسيح شون واسطو راڪي شگهون. هون اي شجو ڪئين آپري اوئي نيڪي ري ڪري حاصل ڪري ڪونهي شگهتو جڪو شريعت تي بيوڻ شون ملي هي پڻ همي مهني ڪيڊي او نيڪي هي جڪو مسيح تي وشواس راڪن شون ايشور ري طرفون ملي هي. ¹⁰ مهاري رگو اي مرضي هي ڪه مسيح هان اوئي ري پڙي جي انڻ ري قدرت ني اولڪون هان اوئي آلي ڪار ڏڪ برداش ڪري مرڻ توڻي وفادار رون ¹¹ ڪه ڪي پي نموني موٽوڙون ۾ جي انڻ رو درجو حاصل ڪرون.

نشون ڏيشا ناشن

¹² مهارو مطلب اي ڪونهي ڪه مهني شجو ڪئين حاصل ڪيو روم جون هون ڪامل هويو روم پڻ اوئي مقصد ني حاصل ڪرڻ ري اميد راڪي آگهي ناشون پڙيو، جڪي ري ڪري مسيح يسوع مهني چونديو هي. ¹³ اي وشواسيون، هون اي ڪونهي ڪيتو ڪه مهني او انوم مليو رو پڻ هون هيڪج بات تي زور ڏيون هون جڪو ڪئين لاري رهيو هي او پونري آگهي بدتو ¹⁴ نشون ڏيشا ناشتو جائون پڙيو ڪه او انوم ليئون جڪي ري ڪري ايشور مهني مسيح يسوع ۾ اونچو هيلو ڪيو هي.

¹⁵ همي آيون ۾ جڪو پڪا وشواسي هي او ائيج شوچ راڪي، جي ڪي پي بات ۾ توري شوچ فرق هي، تو ايشور او بات ٿون تي پي ظاهر ڪرشي. ¹⁶ ايئي ري ڪري آبي جيٽ پي پگا هون اوئيج نموني بيتا رون.

¹⁷ اي وشواسيون، ٿي شجائي پيڙا هوئي مهني آلي ڪار بيتا رو هان اوئون منڪون آلي ڪار بو جڪو مهوري بتايوڙي مارگ تي بي هي. ¹⁸ ڪيونڪه پيل مهني ٿوني تموم گهڻا گهمرا ڪهيو هي هان همي پي روئي روئي ڪونه هون ڪه تموم گهڻا منڪ آپري ڪردار شون مسيح ري شولي را دشمن هي. ¹⁹ پچاڙي ۾ اهڙا منڪ نرگ ۾ جاشي. او بيت را پوجاري هي، ڪتني تي بدائو ڪري هي هان دنياوي شيون ري خيال ۾ ري هي. ²⁰ پڻ آپڻو وطن شرگ ۾ هي هان آبي هيڪي مگتي داتا يعني پريو يسوع مسيح ري پڙي اوڻ ري انتظار ۾ هون. ²¹ اوئي تيم او آپڻي فاني شير ني آپري مهما آلي شير جهڙو ناشي. اي ڪوم او آپري اوئي قدرت شون ڪرشي جڪي شون او شجي شيون آپري اختيار ۾ ڪري شگهي هي.

هدايتون

¹ ايئي ري ڪري اي پياري وشواسيون، هون ٿون شون پريم راڪون هون هان مهني ٿون ڪيڊي اوڻ ري تموم گهڻي شڪ هي ڪيونڪه ٿي مهاري خوشي هان مهارو تاج هو. اي پيارون، پريو ۾ ايئج نموني پڪا رو.

² ٻائي يوئوڊيا هان ٻائي سنتنجي، هون توني منت ڪرون هون ڪه پريو ۾ هيڪ هوئڻ ري ڪري ٿي آبت ۾ هيڪ هوئي جائو. ³ هاوي، مهني پيٽرو شيوا ڪرڻ آلا، هون تني منت ڪرون هون ڪه اوئون ٻاين ري مدد ڪر ڪيونڪه اوئون ڪليمينس هان پيچي شيوا ڪرڻ آلي سائون هان مهني پيٽري خوشي ري خبر رو پرچار ڪرڻ ۾ تموم گهڻي محنت ڪي. ايئون را نون زندگي ري ڪتاب ۾ لکيوڙا هي.

⁴ پرميشور ۾ هر ٽيم خوش روم پيٽري ڪونه هون ڪه خوش رو.

⁵ ٽونرو نرمل من شجائي منڪ ڏيکي. ياد راکو، پريو يسوع اوڻ آڻو هي. ⁶ ڪي پي بات رو فڪر ني ڪرو پڻ جڏي پرائنا ڪرو، تو شڪر ڪري پرائنائون هان منت ايشور آگهي ڪرو. ⁷ تو پيچي ايشور رو شڪ جڪو انسوني سمجه شون ٻاهر هي، تو او ٽونرا من هان خيال مسيح يسوع ۾ پڪا راکشي.

⁸ آخر ۾ اي وشواسيون، جڪو باتون شاجي هي، جڪو باتون عزت ري لائق هي، جڪو ضروري هي، جڪو پويتر هي، جڪو شجون ني پسند هي، جڪو من ني پلي لاگي هي مطلب اي هي ڪه جڪو نيڪي هان بڪوڻ ري باتون هي اوئي شجي باتون تي ذهيون ڏيتا رو. ⁹ جڪو باتون ٽون مهني شون شيڪني، حاصل ڪيني، شئي جون مهني ۾ ڏيني هي اوئون تي بيتا روم، تو ايشور جڪو شڪ شون پريوڙو هي، ٽون پيٽرو ريشي.

مدد ري شارو شڪر

¹⁰ هون پريو يسوع ۾ تموم گهڻو خوش هون ڪه اتر ٽيم شون پيچي توني مهارو فڪر هيو. بيشڪ ٿي پيل پي مهارو فڪر ڪرتا پڻ توني ڪڏي پي موقعو ڪونهي مليو. ¹¹ ايئي رو مطلب اي ڪونهي ڪه هون آبري ضرورت ري ڪري ڪونه پريو ڪيونڪه مهني هر حال ۾ خوش ريوڻ شيڪيو هي. ¹² مهني غريبي هان اميري بيئي ڏيني هي، مهني هر بات ۾ هان هر حال ۾ ڏنو ڪري ڪاوڻ، ٻوڪو ريوڻ، ٻڏڻ هان گهڻ شيڪيو هي. ¹³ پريو يسوع جڪو مهني طاقت ڏي هي اوئي شون هون شجي باتون رو مقابلو ڪري شگهون هون. ¹⁴ پيچي پي ٽون پلو ڪيو ڪه مصيبت ۾ مهني پيڙا رهيا.

¹⁵ اي فليبي شهر ري وشواسيون، توني آپ خبر هي ڪه خوشي ري خبر ري پرچار ري شروع آلي ڏنون ۾ جڏي هون مڪڊونيا شون بئير هيو، تو ٽون شون ٽال ڪي پي وشواسي منڊلي آون مهاري مالي مدد ڪونهي ڪي. ¹⁶ جڏي هون ٿيسلينڪي شهر ۾ هتم، تو اوئي ٽيم مهاري ضرورتون پوري ڪرڻ ري شارو ٽون هيڪ گهمرو نام، پڻ بي گهمرا مهاري شارو مدد ملي. ¹⁷ مهاري اي مرضي ڪونهي ڪه ٿي مهني دون ڏيتا رو پڻ اي ڪه ٽونري دون ڏيوڻ شون ايشور توني تموم گهڻي برڪت ڏي. ¹⁸ مهني ڪيڊي شجو ڪئين هي پڻ ضرورت شون وڌيڪ هي. جڪو شيون ٽون ايفروڊيٽس ري هاڻون ميلي او مهاري ضرورت شون پي وڌيڪ هي. ٽونرو دون خوشبو آلي بلدون آلي ڪار هي جڪو ايشور ني پسند هي. ¹⁹ مهارو ايشور آبري مهما آلي خزوني شون مسيح يسوع ۾ ٽونري هر هيڪ ضرورت پوري ڪرشي. ²⁰ آڻي ايشور پتا ري بڪوڻ هميشا هوتي ري. آمين.

آخري جئي پريو ري

²¹ هر هيڪ وشواسي ني مسيح يسوع م جئي پريو ري كهيا. جكو پائي مهې پيٽا هي او پي توني جئي پريو را كي هي. ²² شجائي وشواسي

خاص ڪري قيصر ري گهر آلا توني جئي پريو را كي هي.

²³ پريو يسوع مسيح ري ڪرپا تونري آتما پيٽي ري.